

Islam dan Umat Islam

Badan-badan Melayu dan Islam memutuskan :

“Undang-undang Pentadbiran Hukum Islam” bertentangan Dengan Hukum Syarak

Mereka menuntut supaya ditarik balik untuk disemak oleh alim-ulama.

Kira-kira seratus buah pertubuhan-pertubuhan Melayu dan Islam di Singapura termasuk alim ulama dari Majlis Penasihat Islam dan lain-lain alim ulama dengan sebulat suara telah memutuskan: Menuntut kerajaan Singapura menarik balik “Undang Pentadbiran Hukum Islam 1960” untuk disemak dan dikaji semasak-masaknya, kerana banyak fasal-fasal di dalamnya bertentangan dengan hukum syarak. Persidangan itu yang dianjurkan oleh Persatuan Islam Se-Tanah Melayu cabang Singapura, telah berlangsung di Dewan Pusat Kebudayaan, Canning Rise, pada 15 April 1961 yang lalu.

Persidangan yang bersejarah itu telah dihadiri

dan bahayanya.

juga oleh lima orang anggota Dewan Perhimpunan

Misalnya, kata beliau lagi, apakah faedah yang akan

Undangan dari pihak pembangkang dan pihak kerajaan.

didapati oleh kita kalau undang-undang ini dijalankan? Atau

Dalam ucapan pembukaan persidangan, Yang di-Pertua

kalau undang-undang ini tidak dijalankan adakah keadaan

PAS Singapura, Ustaz Taha Suhaimi telah meminta sekalian

orang-orang Islam Singapura akan lebih buruk daripada

hadirin memberikan pendapat dengan secara tenang dan

orang-orang Islam di negeri lain?

tenteram. “Kita sedia mengetahui.” Kata beliau lagi,

“bahawa dasar Islam ialah membela yang hak dan menegur

Kuasa Yang di-Pertuan Negara

yang salah. Kalau kita diamkan perkara yang salah,

Wakil yang mula-mula tampil memberikan pendapat

bermakna kita mengkhianati agama Islam.”

pertubuhan yang diwakilinya ialah Ustaz Yusof

Persidangan itu telah dipengerusikan oleh Kiyai

Abdul Rahman (dari Badan Agama Pulau Bukom). Beliau

Muhammad Fadhlullah Suhaimi. Beliau telah menarik perhatian

dengan tegas menolak undang-undang yang hendak

hadirin dengan meminta supaya perkara Undang-undang Pentadbiran

dikuatkuasakan itu, kerana katanya :

Hukum Islam itu difikirkan dengan cermat akan faedahnya

(1) Rang Undang-undang yang tersebut pada umumnya



Suatu pemandangan dalam persidangan kira-kira 100 badan-badan Melayu dan Islam Singapura. Dalam gambar kelihatan Ustaz Yusof Abdul Rahman sedang membidas kerajaan kerana mengeluarkan terjemahan Rang Undang-undang itu dalam Bahasa Melayu dengan tidak dipertanggungjawabkan. Duduk di tengah-tengah ialah Faqīlah al-Ustādh Kiyai Muhammad Fadhlullah Suhaimi, Pengerusi.

bertentangan dengan hukum syarak.

Singapura belum tentu apa agama rasminya?

(2) Kerajaan – sebagaimana yang tercatat dalam naskhah Rang Undang-undang itu – tidak bertanggungjawab akan terjemahannya dalam Bahasa Melayu yang telah diedarkan kepada orang ramai untuk dikaji dan memberikan fikiran masing-masing.

(3) Kuasa melantik ahli-ahli Majlis Islam terletak di tangan Yang di-Pertuan Negara. Padahal jawatan Yang di-Pertuan Negara tidak kekal dan belum tentu akan sentiasa dipegang oleh orang Islam.

Sementara pula, kata Imam Yusof lagi,

Pendapat Persatuan Guru-guru Agama

PERGAS atau Persatuan Guru-guru Agama

Singapura, yang diwakili oleh setiausahanya A. Abu Samah dan Ustaz Hashim Johar, tak dapat memberi kata pemutus, kerana katanya, PERGAS belum selesai mengkajinya dan kerana itu PERGAS meminta supaya undang-undang itu ditangguhkan.

Muhammadiyah Juga Belum Selesai Mengkajinya

Ustaz Manaf Salam, wakil Muhammadiyah berkata, bahawa

Muhammadiyah tidak menyokong dan tidak pula menolak “kerana kami belum selesai mengkajinya.”

Dalam pada itu, kata wakil Muhammadiyah lagi, setakat yang telah dikaji memang ada beberapa fasal dalam Rang Undang-undang itu yang bertentang dengan hukum syarak.

Dari Muslimin Pakistan

Tuan M. Khan dan M. Majid dari badan-badan kebajikan Islam Pakistan telah juga menolak Rang Undang-undang itu kerana – kata mereka – bertentang dengan hukum syarak.

Tuan Majid bertanya: Adakah agama Islam kurang hukum dari Quran dan hadis?

“Rang Undang-undang ini – katanya – lebih baik disimpan sahaja dalam peti sejuk!”

Tidak Rela Menyerahkan Kuasa Kepada Pemerintah

Kerajaan telah dibidas oleh beberapa orang wakil kerana sikapnya mengeluarkan terjemahan naskhah undang-undang itu yang tidak terjamin salah benarnya dan tidak dipertanggungjawabkan, serta tidak pula menyerahkannya lebih dahulu kepada alim ulama untuk mengkajinya dengan teliti.

Kapten Said dan A. Mohamed Ya’acob (bekas Setiausaha Muhammadiyah) telah menolak undang-undang, kerana kata mereka bertentangan dengan hukum syarak.

“Kuasa hukum Islam selama ini berada di tangan kita, sukakah tuan-tuan menyerahkannya kepada pemerintah yang bukan Islam? Kata bekas setiausaha Muhammadiyah lagi.

A. Ya’acob Mohamed Menjawab

Selepas bekas setiausaha Muhammadiyah memberikan pendapatnya, maka A. Ya’acob Mohamed, Setiausaha Parlimen Kementerian Pembangunan telah bangun menjawab kecaman-kecaman tadi sambil menyatakan bahawa kedatangannya ke persidangan itu ialah sebagai seorang pemerhati.

Beliau telah meminta supaya wakil-wakil yang hadir membahasnya dengan tidak menggunakan sentimen dan terangkan tentang mana undang-undang itu yang dikatakan menyalahi hukum syarak.

Sekiranya Rang Undang-undang itu ditolak mentah-mentah maka bermakna sebahagian daripada undang-undang yang sedang berjalan sekarang – termasuk Mahkamah Syariah – akan dihapuskan – kata beliau.

Rang Undang-undang itu, katanya, adalah diambil daripada undang-undang pentadbiran Islam negeri-negeri Selangor, Pahang dan Pulau Pinang.

Akhirnya beliau berjanji: Sekiranya persidangan ini berpendapat bahawa ada bahagian-bahagian atau fasal yang terkandung dalam Rang Undang-undang ini yang bertentangan dengan hukum syarak maka kami (anggota-anggota Islam dari pihak kerajaan) sedia mendesak kerajaan untuk menghapuskannya.

Soal Masjid dan Syarahan

Kemudian Datuk Abdul Hamid Bin Haji Jumat tampil memberikan pendapatnya bahawa beliau tidak bersetuju siapa-siapa menggunakan sentimen dalam membahaskan Rang Undang-undang tersebut. Tetapi, kata Datuk Abdul Hamid, mereka berhak menolaknya kerana mereka berpendapat bahawa Rang Undang-undang tersebut bertentangan dengan hukum Islam.

Sebagai contoh beliau menyebut tentang sekatan-sekatan

yang dikenakan terhadap masjid-masjid dan pensyarah-pensyarah agama.

Sedang hal yang seperti ini hanya berlaku dalam negara-negara

Rusia dan Komunis China!

Yang peliknya – kata beliau lagi, Rang Undang-undang

ini dihebahkan bahawa Majlis Penasihat Islam telah

meluluskannya, tetapi bila saya bertanya kepada ahli-ahli

agama kita di majlis itu mereka mengatakan tidak

meluluskannya!

Akhirnya beliau meminta supaya Rang Undang-undang itu

diserahkan kepada alim ulama untuk mengkajinya dengan

teliti.

Disemak Hanya Dalam Masa 3 Jam

Wakil Ikhwan, Tuan Syed Abdullah al-Edrus,

telah tampil menegaskan bahawa banyak perkara-perkara dalam Rang

Undang-undang itu yang bertentangan dengan hukum Islam tetapi

bukan di sini tempatnya untuk dibahaskan satu-persatu.

Oleh itu serahkanlah sahaja kepada ahlinya iaitu alim

ulama untuk mengkajinya dengan teliti.

Sepanjang yang diketahui kata beliau, Rang Undang-undang

ini tidak diluluskan oleh ahli-ahli Majlis Penasihat

Islam, hanya dibaca sekali lalu dalam masa tiga jam

dengan tidak membuat sebarang keputusan.

UMNO Selatan Menolak Bulat-bulat

Wakil UMNO Selatan, A. Ismail Bakar, meminta

supaya Rang Undang-undang itu ditolak bulat-bulat, kerana

tujuannya semata-mata hendak mengabui dan menutup mata

umat Islam Singapura.

Beliau telah menguatkan hujahnya dengan berkata :

(1) Terjemahannya dalam Bahasa Melayu tidak

dipertanggungjawabkan oleh kerajaan – menurut yang

tercatit di dalamnya.

(2) Tempat murajaahnya ialah buku-buku terjemahan

dalam Bahasa Inggeris – bukan Quran dan hadis.

Fatwa-fatwanya Berdasarkan Suara Ramai

Wakil Persatuan Islam, Pasir Panjang,

A. Rozis, telah juga menolak bulat-bulat selagi kuasa

melantik dipegang oleh Yang di-Pertuan Negara, terjemahannya

ke bahasa Melayu tidak dipertanggungjawabkan oleh

pemerintah, dan fatwa-fatwa Majlis Islam yang akan terbentuk

kelak berdasarkan suara ramai, sedang kuasa suara

ramai itu bukan menurut dasar Islam.

Agama Kami Jangan Dijajah

Tuan Syed Ali al-Attas, menegaskan: Agama

kami janganlah pula hendak dijajah .

Kerajaan – kata beliau – nampaknya suka hendak

menjaga zakat kerana ada hasilnya, tetapi kerajaan

tidak pula teringat mengadakan undang-undang untuk menangkap

orang-orang yang tidak puasa, kerana itu merugikan.

Beliau meminta supaya Rang Undang-undang itu dikaji

dengan teliti oleh alim ulama.

Pendapat PAS Singapura

Wakil PAS Singapura, Tuan Syed Ahmad Dahlan,

menegaskan bahawa PAS Singapura berpendapat bahawa 75

peratus Rang Undang-undang ini bertentangan dengan Islam.

Oleh itu Rang Undang-undang itu hendaklah ditarik balik

untuk dikaji oleh alim ulama.

Sambungannya pada muka 37

Persidangan Umat Islam Singapura

Sambungan dari muka 13

PAS – katanya lagi – memang suka kepada satu undang-undang yang mentadbirkan hukum Islam, tetapi biarlah bersesuaian dengan hukum Islam.

Pendapat Kiyai Fadhlullah

Setelah dibenarkan oleh persidangan supaya beliau memberikan pendapatnya untuk menjadi panduan kepada hadirin, pengerusi majlis Tuan Fadhlullah Suhaimi pun memberikan fikiran-fikirannya, kesimpulannya seperti berikut :

(1) Rang Undang-undang ini bukan semuanya buruk dan bukan pula semuanya berfaedah.

(2) Ahli-ahli Majlis Penasihat Islam sepatutnya membahasnya selama setahun bukan selama 3 jam seperti yang telah dilakukan.

(3) Ahli-ahli Majlis Penasihat Islam hendaklah dipilih oleh badan-badan Islam.

Sedang ahli-ahli Majlis Penasihat Islam selama ini hanya dipilih oleh kerajaan dan nampaknya ada komplot-komplot: ahli-ahli agama sepihak, dan yang lain-lain ada pula pihak-pihaknya.

Keputusan Sebulat Suara

Akhirnya satu usul yang dikemukakan oleh wakil Ikhwan, Syed Abdullah Al-Edrus telah diterima oleh persidangan itu dengan sebulat suara. Usul itu berbunyi demikian :

“Mendesak kerajaan supaya menarik balik Rang

Undang-undang Pentadbiran Hukum Islam 1960 dan kemudian menyerahkannya untuk dikaji dengan teliti oleh Majlis Penasihat Islam. Sebelum dikemukakan kembali kepada Dewan Perhimpunan Undangan, Rang Undang-undang itu hendaklah dijamin sudah disemak oleh alim ulama yang dilantik oleh jawatankuasa khas Majlis Islam Penasihat Kerajaan dengan menjemput beberapa orang alim ulama yang bukan ahli majlis itu, dan semua ahli-ahli Majlis Islam Penasihat Kerajaan telah berpuas hati dengannya.”

Persidangan itu telah melantik juga suatu jawatankuasa lima orang yang diberi tugas untuk menyampaikan keputusan itu kepada Menteri Buruh dan Undang-undang, Tuan K.M. Byrne.

Telah diputuskan juga, sekiranya kerajaan menolak tuntutan itu, maka satu persidangan lagi dari badan-badan Melayu dan Islam itu hendaklah dipanggil segera, untuk memutuskan apakah tindakan-tindakan lanjut yang akan diambil.

Jawatankuasa ini diberi nama “Jawatankuasa Umat Islam Singapura” yang terdiri daripada Ustaz Syed Ahmad Dahlan, Kapten Said, A. Tahir Mahmud, A. Muhammad Yaakob dan Syeikh Abdullah Basmeh.

